



«ӘБІШ КЕКІЛБАЙҰЛЫ ЖӘНЕ ҰЛЫ ДАЛА РУХАНИЯТЫ»

халықаралық ғылыми-практикалық конференциясының
МАТЕРИАЛДАР ЖИНАФЫ

СБОРНИК МАТЕРИАЛОВ
международной научно-практической конференции

«АБИШ КЕКІЛБАЕВ И ДУХОВНЫЕ ЦЕННОСТИ ВЕЛИКОЙ СТЕПИ»

Нұр-Сұлтан, 2019 ж.

ҚАЗАҚСТАН РЕСПУБЛИКАСЫНЫҢ БІЛІМ ЖӘНЕ ҒЫЛЫМ МИНИСТРЛІГІ
Л.Н. ГУМИЛЕВ АТЫНДАҒЫ ЕУРАЗИЯ ҰЛТТЫҚ УНИВЕРСИТЕТІ

«ӘБІШ КЕКІЛБАЙҰЛЫ ЖӘНЕ ҰЛЫ ДАЛА РУХАНИЯТЫ»

халықаралық ғылыми-теориялық конференциясының
МАТЕРИАЛДАР ЖИНАФЫ

2019 жылғы 5 желтоқсан

СБОРНИК МАТЕРИАЛОВ

международной научно-теоретической конференции

«АБИШ КЕКИЛБАЕВ И ДУХОВНЫЕ ЦЕННОСТИ ВЕЛИКОЙ СТЕПИ»

5 декабря 2019 года

Нұр-Сұлтан, 2019

ӘОЖ 321.512.122.0 (063)

КБЖ 83.3 (5 Каз)

Ә20

Ұйымдастыру комитеті

Төрага:

Сыдықов Е.Б., Л.Н. Гумилев атындағы ЕҮУ ректоры

Төраганың орынбасарлары:

Қамзабекұлы Д.Қ., Л.Н. Гумилев атындағы ЕҮУ проректоры
Мерзадинова Г.Т., Л.Н. Гумилев атындағы ЕҮУ проректоры

Мүшелері:

Есенғалиева А.М., Ахметжанова Л.К., Жолдасбеков М., Шәріп А.Ж.,
Бегимова Г.А., Әлібекұлы А., Ахмедьянова Д.К., Оспанова А.Н., Қалиева А.Б.

Жалпы редакциясын басқарған Сыдықов Е.Б.

ӘБІШ КЕКІЛБАЙҰЛЫ ЖӘНЕ ҰЛЫ ДАЛА РУХАНИЯТЫ: халықаралық

Ә 20 ғылыми-теориялық конференцияның материалдар жинағы – Нұр-Сұлтан: Л.Н. Гумилев атындағы ЕҮУ, 2019. – 301 б.

ISBN 987-601-337-236-5

Мемлекет және қоғам қайраткері, Қазақстанның халық жазушысы, Мемлекеттік сыйлықтың лауреаты, Еңбек Ері Әбіш Кекілбайұлының 80 жылдығына арналған бұл жинаққа оның өмір жолы мен шығармашылық мұрасын кеңінен қарастырған зиялды қауым өкілдерінің, отандық ғалымдардың, жоғары оку орындары докторанттары мен магистранттарының мақалалары енгізілді.

Басылым қоғамның дамуы мен рухани құндылықтарды қалыптастыруда тұлғаның атқаратын рөліне қызығушылық танытатын қалың оқырман қауымға арналған.

Мақалалар авторлық редакцияда жарияланды.

ISBN 987-601-337-236-5

ӘОЖ 321.512.122.0 (063)
КБЖ 83.3 (5 Каз)

МАЗМУНЫ

| | |
|--------------------------------------|---|
| Ә. Кекілбайұлының ғұмырнамасы | 6 |
| Ә. Кекілбайұлының марапаттары | 7 |
| Пікір. Лебіз. Пайым | 8 |

ПЛЕНАРЛЫҚ МӘЖІЛІС

| | |
|---|----|
| Сыдықов Е.Б. Кіріспе сөз | 13 |
| Көшербаев Қ.Е. Әбіш әлемі және Рухани жаңғыру мұраты | 14 |
| Қирабаев С.С. Әдебиет пен Әбіш – егіз ұғым | 18 |
| Әбділдин Ж.М. Абиш Кекілбаев и независимый Казахстан | 30 |
| Жолдасбеков М. Ұлы дала және Әбіш Кекілбаев тұлғасы | 33 |
| Сұлтанов Қ. Ә. Кекілбаев – мемлекет қайраткері | 41 |
| Абдрахманов С. Біртуар ойшыл | 48 |
| Оразалы С. Асыл сөз сардары | 56 |
| Сарай Ә.Т. Жазушы Әбіш Кекілбайұлының жаңашылдығы | 61 |
| Мұхамбетқалиұлы Қ. Көркем шығарма және әдеби сын | 64 |
| Julio Novillo Sanchez de Pedro. World and national culture | 66 |

Ә. КЕКІЛБАЙҰЛЫНЫҢ КӨРКЕМДІК-ЭСТЕТИКАЛЫҚ ӘЛЕМІ ЖӘНЕ ҚАЗІРГІ ҚАЗАҚ ӘДЕБИЕТІ

| | |
|--|-----|
| Қалижанов Ү. Ажырамас дүниенің адамы | 68 |
| Дәдебаев Ж. Шешуші кезең шежіресі | 72 |
| Жұртбай Т. Әбіштің көз жасы және «Өлген кітап» | 76 |
| Пірәлі Г.Ж. Әбіш Кекілбаев прозасындағы психологизм поэтикасы | 80 |
| Кәрібозұлы Б. Әбіш Кекілбайұлының поэзиясы | 86 |
| Әнес F.Қ. Әбіш Кекілбайұлы – «алпысыншы жылдықтардың» көшбасшысы | 92 |
| Тұрысбек Р. Тарих пен таным: руханият həm дүниетаным | 94 |
| А. Шәріп, Е. Шәкіржан. Ә. Кекілбаевтың «Аш бөрі» әңгімесі қазақ әдебиетіндегі туған жер тақырыбының контекстінде | 102 |
| Орда Г. Әбіш Кекілбаев шығармаларындағы рухани құндылықтар | 109 |
| Абдраев М. Әбіш көсем сөзінің патриоттық психологиялық ірімі | 114 |
| Аймұхамбет Ж.Ә., Тұяқбаева Р.Р., Мырзахметов А.Ә. Әбіш Кекілбайұлы прозасы құрылымындағы аныздық мотивтердің орны | 120 |
| Назарбекұлы С. Жеті атасынан «Каракөк» | 124 |
| Сарсекеева Н.К. Гуманитарный дискурс исторической прозы Абисса Кекильбаева | 134 |
| Жиембаева Г.Т. Ә. Кекілбаевтың «Күй» повесінің тақырыптық-идеялық мазмұны | 140 |
| Байтанаева Қ.М. Ә. Кекілбаев шығармаларының құрылымдық жүйесі | 142 |
| Қабылов Ә. Әбіш Кекілбаевтың көркемдік әлемі: «Есболай» тағылымы | 146 |
| Атаханова Н.А. Әбіш Кекілбаевтың көркемдік-эстетикалық әлеміндегі қазақ әдебиетінің құрылымдық ізденістері | 152 |
| Әлісжанов С., Бейсенбай А. Әбіш Кекілбаев шығармаларындағы метафоралардың қолданысы | 157 |
| Қадысқызы А. Әбіш Кекілбаевтің Қытай қазақ әдебиетіне жасаған ықпалы | 159 |

ӘБІШ КЕКІЛБАЕВ ШЫГАРМАЛАРЫНДАҒЫ РУХАНИ ҚҰНДЫЛЫҚТАР

Г. Орда

М.О. Әуезов атындағы Әдебиет және өнер
институтының бас ғылыми қызметкері,
филология ғылымдарының докторы, профессор

Әбіш Кекілбаев – қазақ әдебиетінде прозашы болып танылғанмен, поэзия, проза, драма, сын, публицистика (көркем сөз), аударма жанрларының бәріне бірдей үлес қосқан қаламгер. Алғашқы жыр жинағынан елді елең еткізген қаламгер бар күш жігерін қазақ елінің бүгіні мен болашағы үшін жұмсады.

Оның «Алтын шуақ» (1962), «Дүние ғапыл» (1999) жыр жинақтарына енген лирикалық өлеңдері қазақ халқының басынан өткен (XX ғасырдағы) ірі-ірі тарихи оқиғаларды сезіне білген ақынның ой толғанысын білдіреді. Олай болса, ақын поэзиясына ел мен жер мәселесі арқау болғанын баса айтқан жөн.

Балалық шағы Ұлы Отан соғысының ауыр кезеңімен тұстас келген оның «Сол жылдар әлі жадымда», «Танктер», «Әйел күлкісі», «Біздің бала шағымыз», «Қарындасым Нұргайша», «Жүректе әлі жатыр мұн» өлеңдері сұрапыл соғыс салған ауыртпашилықты шынайы бейнелейді. Елдің де, жердің де жазылmas жан жарасын:

...Майдандағы танктердің ізінен

Мандайларға талай-талай тұсті әжім [1, 9 б.] –

деп жырласа, сол жылдардағы тылдағы әйел-аналардың тылдағы жанқиярлық еңбектерін жоғары бағалады:

Сол жылдар әлі жадымда,

Сонда үйренген өз басым.

Батырдың пәк қанындай,

Қадірлеп әйел көз жасын [1, 10 б.].

Соғыс зардабы сол тұста дүниеге келген балалардың да журегін жарагалағаны ақын назарынан тыс қалмайды.

Жүректе бірақ жатыр мұн,

Жатыр сол бір кесір күн.

Тыртығында батырдың,

Әжімінде жесірдің [1, 12 б.], –

деген образды бейнелеу осы идеяны аша түседі. 1937-1938 жылдардағы жаппай құғын-сүргінді еске алуы да заман ауыртпашилығы жайлы ойын толықтыра түседі. Ол «Көрдім мен көзі іскен жылаумен АЛЖИРлік ана күйігін» деп, атылып кеткен азаматтардың АЛЖИР лагеріндегі азабын да еске алады.

Ақынның «Әке» атты шоғырлы өлеңдері – лирикалық кейіпкердің көргендері мен сезгендерінің сырын аша түседі. Қарындасы Нұргайша дүниеге келген күні түске дейін құтты болсын айтқан жұрт түстен кейін қаралы қағазға бата оқуға жиналады. Осы оқиғаны ол: «Иесін тапса бір бесік, Оққа ұшыпты бір солдат» деп еске алады. Жас бала ылғи да әкесін ойлайды, асығы алшы түссе өзін «көкем келеді» деп жұбатады. Әкесінің домбырасы мен шаңырактың иесіз қалуы, тұлымы желбіреген бұлдіршіннің мандайынан сипар адамның

бұл шаңыракты жұбата алмауы
болмауы, женіс күні үй-үйде болып жатқан куаныштың да бұл шаңыракты жұбата алмауы
жанынды сыйздатып, жүрегінді езеді.
Өзге үйде тойдың әні шарыктаса,
Бұлығып қайғы уына біз жыладық...

...Көп төрге ілінсе де сүр шинельдер,
Тек қана біздің төрге ілінбеді...
...Өзге үйді құлімдектен жомарт бақыт
Тек қана біздің төрге үңілмеді [1, 26 б.], –

деген жолдар жетім баланың екі көзі төрт болып, әкесін күткен сезімін көз алдымызға
әкеледі. Жалғыз тұғының ат жалын тартып азamat болғанын көре алмау әкеге арман болса,
перzentіне әке қабіріне топырақ сала алмай, зиратының қай төбеде қалғанын біле алмау да
үлкен қасірет, орындалmas арман екені өлеңнің ойшылдығын көтеріп түр.

Бұл жинақтағы Махамбет туралы өлеңдер өз заманында бостандық, теңдік іздеген, сол
үшін күресіп өткен ақынның арманын жырлауға құрылған. Әбіш патшаның отарына
айналған елдің күйін «қыл арқан абжылан боп қысып жатыр, Оралып оның көкжал өр
төсіне», – деп кейіптеу арқылы бейнелейді. Махамбеттей арысынан айрылған казақ еліне,
жер-анаға түскен ауыртпашылықты адам мен табиғаттың ажырамас бірлігі негізінде
жырлайды.

Қайғыдан қар жамылып қасқа дала,
Қыр кәрін біржолата ақтара ма?
Жетіріп айналға уыс-уыс,
Ақ шашын жұлып жатты аспан-ана [1, 42 б.]

Аз сөзге көп мағына сыйғызу, сөз құдіретін түсіну, образды сурет жасау, тілсізге тіл
бітіру сынды ерекшеліктер Әбіш өлеңдерінің көркемдігін байытқан.

Ал, оның «Дүние ғапыл» жинағына әр жылдардағы өлеңдері енген. Жинақтың
басындағы «Таңғы кәлима» өлеңінде ол таңғы кәлимасын Фатиха сүресінен бастап елге,
жерге амандық тілеп, хақ жолдан адастырмады Алладан сұраса, кітаптың соңғы өлеңі
«Тұнгі кәлимамен» аяқталған. Онда да ел амандығын тілеген ақын:

Қасіреті асқан қасқа маңдай қазаққа,
Көнтері боп көндігіп алып азапқа,
Көншімей жатқан көңілі бостан азатқа
Үшырата көрме масқара мен мазаққа [1, 135 б.] –

деп, өлеңді «Ықылас», «Нас» сүрелерімен аяқтайды. Өлеңнің негізгі ерекшелігі де Құран
сүрелерінің толық келтіруінде. Бұл – қазақ поэзиясындағы жаңа сөз. Ақын хақ жолынан
адастырмайтын «Аллаға» жатса да, тұрса да жалбарына сөйлейді.

«Тұған жер», «Жол жыры», «Тұған жерге барғанда...» өлеңдерінде тұған жерге деген
ыстық сезімін асыл анаға деген махаббатымен ұштастыра білген: «Анамның жұпар исі
көкірегіндей, Жусанға тұмсығымды тыға түсем».

«Бағзы бабаларға ода», «Обалар» өлеңдері тарихтан сыр шертеді. Лирикалық
кейіпкердің соғыс салған қасіретті жарасы туралы ой «Іңір сембей іргеге кеп құлаған»,
«Әкем түске кіреді» өлеңінде жалғасады. Мұнда да әке мен бала арасындағы сағыныш
лирикалық кейіпкердің арманы күйінде суреттеледі.

Оның бірсызыра өлеңдері 1986 жылдың желтоқсан оқиғасына арналған.

Шыдай алмай шайқалыпты шаңырақ,
Майыстырып тіреу қылған бақанды.
Желтоқсанның желі салты анырап,

Бұрын-соңды естілмеген мақамды [1, 92 б.] –

деген шынайы сурет қазақ халқының азаттықты аңсаған арманы жолындағы жаңа қадамды
еске түсіреді. Өмірден көрген қайғы-қасіретін біраз өлеңге арқау еткен лирикалық кейіпкер
сол көргенен түйгенін «Тіршілік қай күнде де құбылмалы», «Ел болмақтың орнына»,
«Қайдағы қайда жоқтан дау шығып жүр», «Жамыраспай, жағаласпай, жарандар-ай».

тоқтандар» деген өлеңдерінде көпке арнау ретінде ақыл-өсіет айтумен түйіндейді. Ол әзмесерлерді ел болуға шақырады. Өмірден көргенін, түйгенін өсіет ретінде көпке арнау Абайдың өсіет өлеңдерінің дәстүрлі жалғасы сияқты көрінеді.

Жазушының әңгіме, повестерінде адамдар арасындағы адамгершілік, моральдық мәселелер көтерілген. Жазушы тосын орта, тосын оқига іздел әуре болмайды, күнделікті өмірде болып жатқан жайттарға терең үңілу нәтижесінде заман, адам, оның тіршілігі жайлышты өмірі, сол заманнан қалған адам бойындағы тән жарасы мен жан жарасы, қазақ ауылының кешегі тұрмысы, бүгінгі қала қазақтарының тыныс-тіршілігі сынды мәселелер қозғалады. Қазақ ауылы мен оның тұрғындары суреттелетін шығармаларда қазақ даласының исі мен қазақ баласының ұлттық міnez ерекшелігі, өзіне тән әдет-ғұрпы мен салт-дістүрі анықтанауды. Жазушы кейіпкер бейнесін сомдауда психологиялық талдаудың тың жетістіктеріне қол жеткізді. Бұл – жазушының ғана емес, қазақ прозасының елеулі табысы.

Оның кейіпкерлері – ұлттық дәстүр мен әдет-ғұрып заңына сүйенген, қазақы мінезді, кішіпейіл, ата-ананы сыйлаған әдепті жандар. «Ең бақытты қүндегі» ата мен ене алдында әдеп сактап, өз ибалығымен көрінген Торғын жары майданнан аман келгенде қанша сағынса да, бірден жақындаі алмайды. Әдептен озбау – қазақ келініне ғана тән қасиет. Бір кештің арасындағы оқиғаны арқау еткен әңгіме шегіністермен тыл өмірінің көп жайларын еске салады. Қыз-келіншектерге қырғидай тиғен бригадир Берден – кешегі ел өмірінен алынған типтік бейне. Ал, оған ыңғай бермеген Торғынның жазықты болуы да занды.

«Бәсекеде» «қызы ұзатуға» қатысты әдет-ғұрып, салт-дәстүрді әдемі бейнелеген. Қазақтың бүгіндері ұмыт бола бастаған қолөнер әшекейлері де қолмен қойғандай. «Күй» повесінде қазақ, түрікмен елдерінің әдет-ғұрпы салыстыра суреттелген. Өлікті шығару рәсіміне қатысты екі елдің әдет-ғұрпрын бүге-шүгесіне дейін суреттеу – жазушының осы ғұрыпты жақсы білетіндігінің көрінісі.

Жазушы шығармаларына негіз болған тақырыптың бірі – өнер. «Аш бөрі» әңгімесіндегі Құрманғазы, «Күй» повесіндегі Абыл қүйші, «Шыңырау» повесіндегі Еңсеп бейнелері оған мысал. Жазушы сонымен бірге ашқөздікті жеріне жеткізе шенейді.

70-80 жылдардағы қазақ прозасында фольклорлық аңыз әңгімелер негізінде лиро-эпикалық стильдің қалыптасқаны қазіргі зерттеулерде әңгіме болып жүр. Бұл әсіресе Ә. Кекілбаевтың тарихи тақырыптағы прозасынан анық көрінеді. «Күй» фольклорлық аңызды жазба әдебиетте шеберлікпен бейнелеудің жақсы үлгісі саналады. Мұнда, екі елдің шапқыншылығы, адам өлімі бәрі де күй құдіретімен астаса суреттелген. Тақырыбы аңыз болғанмен, жазушы кейіпкердің жандуниесіндегі тебіреніс пен толғанысты терең аша білген.

Ол – адам табиғатының зерттеуші психологи. Шығармаларында өткір оқиғалар негізінде кейіпкер болмысына терең үніле білді. Әдебиетте «мәңгүрт» деген ұғымды бірінші қолдануды да Әбіштің осы повесінен көреміз. 1967 жылы «Дала балладалары» кітабына енген бұл повесть Ш. Айтматовтың 1980 жылы шыққан «Фасырдан да ұзақ күн» романындағы мәңгүрттен ерте жазылғаны жөнінде әдебиеттанушылар біраз зерттеулер де жасады [2, 164-167 б.]. Ш. Айтматов осы терминді «Жан пида» (1986) романында да қолданып қазақтың кешегі тарихының келеңсіз жағдайлары арқылы бүгінімізге ой салғанды. Халқының, ұлтының мұддесін ойламайтын, тілін, ділін, дінін, салтын, тарихын білмейтін мәңгүрттерді әшкереледі. Алайда Шыңғыс шығармаларында үлкен образдық дәрежеге көтерілген мәңгүрттікті ұғым есебінде алғашқы пайдалану Әбіште кездесетініне дау болмаса керек.

«Ханша-дария хикаясы» (1968) повесінің идеясы – жауыздықты, қанішерлікі, тойымсыздықты әшкерелеп, адалдықты, пәктікті, адамдықты ардақтау.

«Шыңырау» (1971) повесінде құдық – шын мәнісінде сыртқы фон, автордың негізгі айтпағы – адамдардың жүйкесін жеген даңғойлық, көрсекқызырлық, іштарлық, дүниеконыздық, бәсекелестік секілді дертері. Өз өнері өзіне сор болған Еңсеп тағдырынан өнер адамдарының өнері қашанда өз бағасын ала алмайтының ғана емес, өткінші дүниедегі әлсіздікті, жалғандықты, баянсыздықты, парықсыздықты көруге болады. Жазушы Еңсептің

өмірі мен өліміне әлеуметтік, психологиялық талдау жасайды.

Автор құдықшының өмірі мен өлімі арқылы философиялық ой түйеді. Бірінші көзге түсетін – өнер иелері еңбегінің бағаланбауы, екінші – адам бойындағы астамшылық пен эгоизм. Еңсепті де жүткән осы. Себебі ол елде жок құдық қазып атын шығармақшы болады. Бар тәжірибесі оның өз басын жұтуы арқылы автор сол бір даңғазалық, мақтаншақтық, эгоизмді әшкерелеген. Автордың негізгі айтпақ ойы – осы.

«Бәйгеторы» (1974) повесінде жазушы тұлпар арқылы адам тағдырын, қоғам шындығының көркем бейнесін жасайды. Тұлпарлар туралы жазылған шығармалардан «Бәйгеторының» өзіндік ерекшелігі – оқиғаның жүйрік жануардың түйік сезімі арқылы баяндалуында. Көзден де, құлақтан да қалған жүйріктің трагедиясы – адам трагедиясы. Кезінде «ак дегені алғыс, кара дегені қарғыс» болып, бүкіл елді өзіне қараткан жандардың жас келе, уақыт өте, осы жануар секілді мұсәпір күй кешуі – дүние жалғандығының бейнесі.

Жазушының әнгіме, повестерінде қазақ ауылшының шындығы негізінде жаңа харakterлер ашуға құрылған. Оның әрбір кейіпкерінен қазақтың ұлттық мінез-құлқы анық көрінеді. Олар халықтық аныздан бастап, бүгінгі заманда өзі көріп таныған адамдар бейнесін жарқын суреттейді. Қазақ қоғамында орын алған әділетсіздік, күштінің әлсізге жасаған зорлығы өнер иелерінің қорлықпен, азаппен жаншылуы, адамдар арасындағы бәсеке таластық, т.б. бұл повестердің негізгі оқиғаларын құрайды. Бәріне тән ортақ идея – қараны ақтан, жендетті жауыздан күштіні әлсізден айыра білудің қажеттігі, адамгершілік, жақсылық сияқты мәнгілік құндылықтарды бағалай білуге үйрену тәлімі.

«Аңызың ақыры» (1971) романында жазушы тарихи тақырыпты игерудегі жаңа қадамын танытты. Ол Алмас ханың болмысын ашу жолында адам жанына үңіле білді, психологиялық талдауға ден қойды. Бұл ізденістер сол тұстағы қазақ прозасының табысына айналды. Авторлық ұстаным мен кейіпкер ойының, баяндауши мен қаһарман үнінің кейде қосылып, кейде кезектесіп кететіндігі, «адам психологиясының иірімдерін көрсету, талдау молдығы жағынан» романың әдебиетімізге тың жаңалықтар алып келгеніне әдебиетшілер баса назар аударды [3].

«Елең-алаң», «Үркердің» заңды жалғасы. Қазақстанның Ресейге қосылуын көркем бейнелейтін бұл екі роман бөліп жаруға келмейді. Ондағы кейіпкерлер де, оқиға да ортақ. Романың негізгі бас кейіпкери – Әбілқайыр. Жазушы Әбілқайырды қол бастаған батыр, ел басқарған билеуші, халыққа, оның мұддесіне жақын жан ретінде көрсетуге тырысқан. Мәселен, С.Сматаевтың «Елім-ай» трилогиясында ол – мансапқор, құзғын пиғылды көп сұлтанның бірі болып суреттеледі. Ал, Қ.Жұмаділовтің «Дарабозында» қазақты орысқа сатқан алаяқ, баққұмар сұлтан ретінде бейнеленсе, И.Есенберлиннің «Жанталасында» даралы, әпербақан, өркөкірек жан болып кескінделген. Ә.Кекілбаевтің ерекшелігі – Әбілқайыр бейнесін жасау үшін тарих қойнауына үңіліп, сол тұстағы қазақ халқының әлеуметтік, экономикалық хал-ахуалына талдау жасай отырып, кейіпкердің сондай қыын заманда елін аман-сақтап қалу жолында шешуші қадамдарға батыл барғанын көрсетеді. Аталған романдар жарық көргеннен бері сыншылар мен әдебиеттанушы ғалымдар бұл туындыларды әр қырынан сөз етуде.

«Үркер» де, «Елең-алаң» да реализмі бай шығармалар. Жазушы өмірде болған адамдарды, тарихта болған оқиғаларды екшеп алуға тырысқан. Оның көп ізденгендігі әрбір оқиғаны бүте-шүгесіне дейін тәптіштеп суреттеуінен көрінеді.

Шығарма қазақ халқының басынан өткен XVIII ғасырдағы тарихи оқиғаны белгілі тұрғыда саясаттандыра суреттейді. Оқиғалардың кейіпкер көзімен суреттелуі олардың психологиялық, эмоционалдық сезімдерін аша түскен. Оқиғалардың Әбілқайыр, Тевкелев көзімен суреттелуі олардың саяси көзкарасын да ашады. Сондықтан да оны – тарихты әр бодан болды деген ұстанымға сүйеніп, оның әлеуметтік, экономикалық, саяси сан қырлы астарын ашуға тырысады.

Әбіш Кекілбаев драматургия жанрына да біршама үлес қосты. Оның әлем әдебиетінен тәржімалаган драмалық туындылары қазақ театрларында ана тілінде сөйлеп, көпшілік

көрерменнің ыстық ықыласына бөлөнген. Қазактың М. Әуезов атындағы Ұлттық академиялық драма театрында және басқа театрларда Уильям Шекспирдің «Ромео мен Джүльєтта», «Кориолан», «Король Лир», Валехо Антонио Буэроның «Бүгін мейрам, бүгін той», Карл Гоццидің «Туранбике ханшайым», А. Чеховтың «Ваня ағай» және Макс Фриштің «Фылым құған Дон жуан» сынды драмалық туындылар репертуардан берік орын алса, Генрик Ибсеннің «Үрей» атты үш перделі отбасы оқиғасы Қазақстан Мәдениет, ақпарат және қоғамдық келісім министрлігінің репертуарлық қорына кірген.

Жазушының «Абылай хан» атты халықтық-қаһармандық саңаңалық дастаны еліміз тәуелсіздік алған тұста жазылды да, сол тәуелсіздік жолында қызмет еткен ел басшыларын көркем бейнеледі. Туынды 1998 жылы қазақтың М. Әуезов атындағы академиялық драма театрында қойылды. Ә. Кекілбаев прозалық шығармаларында қазақ халқының ғасырлар бойы арман етіп аңсаған тәуелсіздігін негізгі мәселе етіп көтерсе, сол асыл армандарды енді саңаға алып келді.

Пьесадан ұлттық мінез бен болмысты тану да оңай. «Сыбыр-күбір, пыс та пыс. Жыбыржыбыр, пыш та пыш. Шонжарлар жүр, шоқыдай боп шоңқыып. Батырлар жүр бүрк-сарқ, бурадай боп қомпиып, Пысықтар жүр, қол-аяғы сып та сып, үйден-үйге, топтан-топқа, табак тасып, сөз тасып» [1, 250-251 б.] деген жолдарға қарап отырып, XVIII ғасырдағы шонжарлар мен батырлардың, пысықтар мен жанкештілердің күні бүгінге дейін арамызда жүргеніне күйінесің. Жалқаулық, кертараппалық, аяқтан шалу, іштарлық, т.б. жағымсыз қылықтар біздің қазақ мінезімізді қөрсетер жазылmas дерт екені де даусыз. Ал, «Шуылдаған көп қазақ. Сен бүйдалы боз тайлақ, мен бурамын шабынған. Сыртында тұрмын шырпынып, омыртқанды опырып, жамбасынды жапырып, шоңқайтқалы кеп тұрмын, қырық бүгіп тізенді, тоңқайтқалы кеп тұрмын. Ит мұжіген асықтай, омпайтқалы кеп тұрмын» [1, 186 б.] деген жолдардан қазақтың шалқар даласына сұқтана қарап, көз алартқан бүгінгі көршілеріміз мен мұндалап тұрғаны байқалады.

Бұдан шығатын қорытынды, Ә. Кекілбаевтың «Абылай хан» пьесасы – қазақтың кешегісі арқылы бүгінін меңзейтін туынды. Ол Абылайдың аузына ел басының сөзін салса, жоғарыдағы мысалдар қазақты ел болуға шақырып тұрғаны даусыз. Пьесадағы түйдек-түйдек төгілген толғаулы ойлар, асылдай мөлдіреген сөздер – драматургтың қол жеткізген табысы. Эйгілі прозашының драматургия жанрын да еркін игергеніне осы шығарма дәлел. Ендеше, «Абылай хан» – ақын, сыншы, прозашы, публицист Ә.Кекілбаев шығармашылығының шарықтау биігін таныттар туынды.

Алғашында ақын, кейін сыншы болып танылған Ә.Кекілбаев қазақ әдебиеті сыннының қалыптасып, дамуына да біршама үлес қосты. Оның «Дәуірмен бетпе-бет» (1972), «Әдебиет әлемі, өнер өрісі» (1999) кітаптарына енген сын, рецензия, мақалалары – осы тұрғыдағы еңбегінің жемісі. Сыншының негізгі жетістігінің бірі – ақын-жазушылардың әдеби портретін жасаудағы шеберлігі. Оны біз сыншының Т. Әлімқұлов, Т. Ахтанов, Ә. Нұрпейісов шығармалары жайлы пікірлерінен танимыз.

Сыншы қазақ әдебиетінің бүгіні мен келешегіне немкүрайлы қарай алмайды. Бүгінгі қол жеткізген табысымыздың төркінін, шыққан тегін сөз ету – оның қаламына тән ерекшелік. Қазақ әдебиетінің қол жеткізген табысын әлем әдебиетімен қатар алып салыстыру негізінде ғана қөрсетеді. Оның терең ойлы, сындарлы сын, рецензия, мақалалары қазақ әдебиеті сынның қосылған үлес.

Ә. Кекілбаевтың публицистикалық еңбегінің бір саласы – сапарнамалар. Бұлардың да тілге тиек етерлік өзіндік ерекшеліктері мол. «Ұя мен жебе» (1968), «Тырау-тырау тырналар» (1984), «Ұйқыдағы арудың оянуы» (1975 жылы «Жұлдыз» журналында жарияланып, 1979 жылы жеке кітап болып шыққан) атты кітаптарының жазылу стилі бар. Ол әрбір елдің, жердің бүгінін айту үшін оның тарихына үңіліп, өткені мен бүгінін салыстыруға, жер, су атауларына қатысты аңыздар мен нақты деректердің көзін тауып сөйлетуге шебер. Сол арқылы ол сапарда болған әрбір елдің экономикасына, географиясына, мәдениеті мен өнеріне, тарихы мен әлеуметтік жағдайына терең үңіле біледі.

Он екі томдық шығармалар жинағының 8, 9-томына кірген «Толғауы тоқсан тарих»,

«Гасыр өтіп барады...» атты мақалалар – оның публицистикасының екінші қырын ашар дүниелер. Осындағы «Әйтеке би», «Жәнібек тархан жайлы» мақалаларының орны бөлек. «Тұла бойы тұнған жұмбақ жан» арабтың «Бейбарыс» («Әз-Зәкір Бейбарыс сұлтанның ғұмырнамасы») атты халықтық романының С. Әбдражманов аударған қазақша баламасына алғы сөз ретінде жазылған. Мұнда 1968 жылы жазылған сапарнамадағы ойлар жаңа қырынан толыға түскен. Автор романда келтірілген деректердің шындыққа қаншалықты үйлесетінін зерттеуге тырысқан. Тарихи дерек пен азызға сүйену негізінде Әз-Захир Бейбарыс сұлтан атанған Махмуд деген баланың Атырау маңында туғандығы, қыпшақтардың беріш тайпасынан тарағаны анықталған.

Ә. Кекілбаев өте ізденімпаз жазушы. Ол өзінің әрбір жазбаларына биік талап қойып, биік деңгейден көріне білді. Фылыми зерттеу негізінде жазылған әрбір мақала ғылымилығымен құнды. Қаламгер өзін көп толғантқан, шешімін таппаған өзекті мәселелерге қайта-қайта оралып отырады. Оны Әбілқайыр хан, үш би (Казыбек, Төле, Әйтеке), сұлтан Бейбарыс, Махамбет жөніндегі жазбаларынан көруге болады.

Қорыта айтқанда, Қазақстанның халық жазушысы, Мемлекеттік сыйлықтың лауреаты Ә. Кекілбаев – қазақ әдебиетінің поэзия, проза, драматургия, сын, публицистика, аударма жанрларына бір кісідей үлес қосқан қарымды қаламгер. Оның поэзия жанрындағы алғашқы ізденістерінен бастап, соңғы жылдары жазылған сыршыл лирикасы, әңгіме, повестері, романдары қазақтардың кешегі, бүгінгі өмірі жайында терең сыр шертеді. Оларда жасалған тарихи тұлғалар мен біздің замандастарымыздың толымды бейнесі оқырмандар тарапынан үлкен қызығушылық танытуда. Оның тілінің құмға да, тасқа да тіл бітірген образдылығы, елі мен жерін сүйген отаншыл (патриот) азаматтың бүкіл шығармашылығының қазақ халқының азаттығы мен тәуелсіздігін негізгі идея етіп ұсынуы да қолдау табуда.

Әдебиеттер:

1. Кекілбаев Ә. Он екі томдық томдық шығармалар жинағы. – Алматы: Өлкө, 1999. – 6 том. – 9-б.
2. Елеуkenov Ш.Р., Ровенский Н.С. Искушение временем // Каз.правда, 1994. – 19 марта; Простор, 1989. – №5. – С.164-167
3. Бердібаев Р. Қазақ тарихи романы. – Алматы: Фылым, 1979. – 218-221; Тарихи роман. – Алматы: Санат, 1997; Сыдықов Т. Қазақ тарихи романы. – Алматы: Ердәulet, 1996. – 158-160; Оскоцкий В. Под звуки домбыры // Литературная газета. – 1990. – 24 январь.